

SO WHAT*What is the relevance of the Word to my life?*

- Ano ang mga karaniwang pag-aalinlangan ng mga tao sa pagkusang tumulong o makiugnay sa iba?
- Ano ang mararamdaman mo kapag nakarinig ka ng tungkol sa kalooban ng Diyos para sa iyong buhay?
- Nakaugnay ka ba sa ibang mananampalataya sa iyong simbahan? Kung hindi pa, ano ang pumipigil sa iyo? Papaano ka kaya mauugnay sa isang lokal na simbahan?

NOW WHAT*How do I apply the Word to my life?*

- Sinu-sino ang sa tingin mo'y gusto ng Diyos na iyong matulungan? Ano ang magagawa mo ngayon linggo upang simulang makipag-ugnayan sa kanila?
- Sa anong paraan mo mapapalakas ang kalooban ng isang tao sa pamamagitan ng iyong mga salita? May maibabahagi ka ba sa grupo?
- Ano ang pupwede mong gawin ngayon upang iugnay ang iyong mga dinidisipulo sa ibang tagasunod ng Diyos sa iyong simbahan?

PRAYER

- Ipagdasal ang bawat isa sa grupo na magkaroon ng tapang, tamang mga salita, at pananalig na ibahagi sa iba ang ginawa ng Diyos sa kanilang buhay.
- Sa inyong grupo, palakasin ang loob ng bawat isa sa pamamagitan ng pagdasal ng kalooban ng Diyos at ng Kanyang biyaya para sa isa't isa.
- Ipanalangin ang mga hindi pa naiuugnay sa Victory Group o lokal na simbahan na gumalaw ang Diyos sa kanilang mga puso at tanggalin ang anumang takot o pag-aalinlangan na pumipigil sa kanilang makiugnay sa ibang mga mananampalataya. Magsimula sa inyong grupo.

**VICTORY****Honor God. Make Disciples.**

Karapatang Pag-aari © 2011

Pinahihintulutan ang pagkopya ng lathalaing ito na galing sa Victory® para sa kagamitan ng lokal ng simbahan.

Ito ay hindi pinagbibili.

victory.org.ph

FILIPINO**ORDINARY****Si Ananias at Saulo**

Week 2

NOTES**CONNECT**

- Papaano mo gustong ipakilala ka sa iba?
- Ano ang pinaka nakakaenganyong salita ang natanggap mo? Papaano ka naapektuhan nito?
- Sa iyong simbahan, kanino ka mas malapit? Magkwento ka tungkol sa kanya.

WORD

¹⁰Doon sa Damascus ay may isang tagasunod ni Jesus na ang pangalan ay Ananias. Nagpakita sa kanya ang Panginoon sa isang pangitain at sinabi, “Ananias!” Sumagot siya, “Panginoon, narito po ako.”

¹¹Sinabi ng Panginoon sa kanya, “Pumunta ka sa daan na tinatawag na ‘Matuwid,’ at doon sa bahay ni Judas ay hanapin mo ang taong taga-Tarsus na ang pangalan ay Saulo. Nananalangin siya ngayon, ¹²at ipinakita ko sa kanya sa pamamagitan ng isang pangitain na pumasok ka sa kinaroroonan niya at pinatungan mo siya ng kamay para muling makakita.”

Mga Gawa 9:10-12

WHAT

What does the Bible say?

Matapos ng isang makapangyarihang pagtatagpo kay Jesus sa daan patungong Damascus, si Saulo na siya ring magiging Apostol Pablo ay inutusan ng Diyos na maghintay sa bahay ni Judas sa daang ‘Matuwid.’ Sa kritikal na panahong ito para kay Saulo, ginamit ng Diyos ang disipulong si Ananias, hindi isang apostol o tagapagsalita, upang tulungan at turuan si Saulo sa pagsunod sa Kanya. Ano ang matututunan natin sa kwento ni Ananias?

- **Sundin ang pangunguna ng Diyos na makiugnay at tumulong.**

¹³“Pero sumagot si Ananias, “Panginoon, marami po akong nababalitaan tungkol sa taong iyon, na malupit siya sa inyong mga pinabanal sa Jerusalem. ¹⁴Narito siya ngayon sa Damascus at binigyan siya ng kapangyarihan ng mga namamahaling pari na hulihin ang lahat ng kumikilala sa iyo.”

Mga Gawa 9:13,14

Kahit na may pag-aalinlangan si Ananias na tulungan si Saulo dahil sa reputasyon nito, sinunod pa rin niya ang utos ng Diyos. Tulad ni Ananias, maaaring may pag-aalinlangan din tayong kumusa sa pagtulong sa iba ngunit dapat tayong magtiwala sa Diyos at sundin ang Kanyang utos sa pagdidisipulo sa kanila. Sinu-sino ang mga taong nahirapan kang makipag-ugnayan noong una? Anong nangyari ng sinunod mo ang Diyos?

- **Sabihan ang mga dinidisipulo tungkol sa kalooban ng Diyos para sa kanila.**

Pero sinabi ng Panginoon kay Ananias, “Lumakad ka, dahil pinili ko siyang maglingkod sa akin, para ipakilala niya ako sa mga hindi Judio at sa kanilang mga hari, at sa mga Israelita.”

Mga Gawa 9:15

Kailangan nating maintindihan na may plano at kalooban ang Diyos sa bawat tagasunod Niya. Kahit saan pa man tayo nanggaling o kung ano pa man ang ating nakaraan, may plano ang Diyos na isaayos ito para sa atin. Sa pagdidisipulo natin sa iba, mahalagang palakas natin ang kanilang kalooban sa pagsabi natin ng mga salitang may pag-asa at layunin ng Diyos sa kanila. Alalahanin ang panahong pinasigla ka ng isang tao sa kanyang pananalita. Papaano ka natulungan nito sa iyong pagsunod sa Diyos?

- **Iugnay ang mga dinidisipulo sa ibang mananampalataya.**

Kumain siya at muling lumakas. Nanatili si Saulo ng ilang araw sa Damascus kasama ng mga tagasunod ni Jesus.

Mga Gawa 9:19

Kahit hindi hayagang binanggit, maaaring ipinakilala ni Ananias si Saulo sa grupo ng mga disipulo sa Damascus. Dahil dito, nagkaroon ng pagkakataon si Saulong makasama sila at matuto sa kanila (Mga Gawa 9:19-27). Kapag nagdidisipulo tayo, mahalagang iugnay din natin sila sa ibang mga mananampalataya upang sila’y lumago. Papaano lumago ang iyong pananampalataya sa pagiging kabilang mo sa isang *Victory Group* o lokal na simbahan?